

446 Das dreyzehende Buch Petri de Crescentijs/

vnd fünff vnd zwanzigsten Capitel stehet/ Das sie starcke erfahrene Jäger gewesen. Vnd im Buch der König/ im vierdten Capitel/ Das Salomon Hirsch/ Wild/ vnd anders dergleichen/ an grosser anzahl/ zur Hoffhaltung hab jagen vnd aufffangen lassen. So sein auch alle Historien der Keyser/ König/ Fürsten vnd Herrn / so sich der Jagten befließen / voll/ vnd etliche Bücher von der Jagt außgangen vnd geschrieben worden/ Aber die Jäger / Hund vnd Jagt / an jr selbst viel mehr gelobet vñ erhöcht/ denn das sie alle Geheim namhafft vñ stückweiß/ wie in diesem Buch beschicht/ dargethan vñ anzeigt habē solten/ welches vnnötwendig allhie weitläufftiger einzuführen od zu erzehlen.

Wo aber die Gerechtigkeit in Jagten/ vnd warumb jeder auff seinem Grund vnd Boden bleibt/ herkommen. Item ob von wegen etwa einer Hund vnd Zeug zu erhalten / nicht vermögens/ oder jm das seinig zu weit entlegen/ Ein anderer mittelst einbrechen/ vñ dieweil er die selbige frembde Hölzer/ Grund vnd Boden / etlich Jar eigens Gewalts also durchstreiffi/ Hierumb nun hinfürö allein daselbsten zu Jagen befügt vnd berecht. Vnd da hingegen der Herr vnd Besitzer außzuschließen sein/ vnd dieser sich des berufften Vogels der Posses dadurch behelffen vnd hand haben möge. Hiemit gehet es zu wie es mag / vnd wirdt der Schwächer offft vom Stärckern vnder truckt vnd abtrieben/ wie jener sagt.

Gewalt vnd Schwert/ gibt mir das Recht/
Darumb vnten ligt/ manch armer Knecht.

Diz ist nun nicht bey jederman also / sonder man laßt den Schuldigen verantworten/ vnd wirt sich jeder seines Beruffs zu erinnern wissen / Wie hernacher vom Jäger etwas weiters gesagt wirdt.

Das ander Capitel.



Jeder Jäger beschaffen seyn sol/ kan ein jeder bey ihme selbst wol betrachten. Denn erslich wirt erfordert/ das er allerley guter außersleener guter Hund/ Garn/ notwendigen Zeug / vnd daneben (dieweil das Sprichwort laut/ Wildpret wil Pfeffer habē) es im Seckel hab/ damit in nicht seine eigene Hund/ wie dem Acteon beschehen/ auffressen.

Fürs ander/ so sol er starck von Leib/ feck vñ freidig von gemüt auch zu Ross vnd Fuß zu gebrauchen vnd geübt/ nicht zu groß von Leib/ damit er die Arbeit gedulden/ vñ zu Fuß/



wo von nöten/ gefolgen/ vnd auch nicht zu gering vnd mager seyn/ damit er ein sterck an sich habe/ vnd dem Wilden Thier desto sicherer begegnen möge/ Denn diese vbung ist keinen schimpff/ sonder ernst zu vergleichen/ vnd zu gleich wie den Weibern vñ jres gleichen Weibischen Mannen/ zu einer kurzweil zugelassen / vnd von etlichen vor all andern lust/ der Dank begeret wirdt / Item auch vil nur zu Essen/ Trincken/ Spilen/ Schlaffen/ vñ auff dem Lotterbet zu faulenszen/ gefallens tragen/ Also sucht der Mannlich Jäger die löbliche vbung der Jagt / vnd leßt sich hievon weder Schnee/ Kälte/ Regen/ Wasser/ Berg/ Thal/ Wildnuß/ Hunger/ Durst/ Hit/ Varruh/ Wachen/ Arbeit/

beit/